



故宮珍本叢刊

# 欽定蘭州紀略

等二種

故宮博物院編 海南出版社



故宮珍本叢刊第 054 冊清代征戰方略

故宮博物院編

欽定蘭州紀略  
欽定巴勒布紀略

海南出版社



圖書在版編目(CIP)數據

親征平定朔漠方略/(清)溫達等纂. - 影印本. - 海口:海南出版社,2000.6

(故宮珍本叢刊)

本書與“御製親征朔漠紀略/(清)聖祖撰”等13種書合訂

ISBN 7-80645-665-1

I.親… II.溫… III.戰爭史-史料-中國-清代 IV.Z121.7

中國版本圖書館 CIP 數據核字(1999)第 68753 號

故宮珍本叢刊第 054 冊

清代征戰方略

欽定蘭州紀略·欽定巴勒布紀略

故宮博物院編

責任編輯:李升召

\*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

\*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:27.75 印數:1-400 冊

ISBN 7-80645-665-1/Z·14

定價:2650 元(清代征戰方略 14 種共 15 冊)

本書如有印裝質量方面問題請與我社或承印廠聯係  
我社為本書每冊(種)書新編的目錄均置於每冊書末

欽定蘭州紀略卷一



乾隆四十六年三月二十八日辛丑陝甘總督勒爾謹奏言  
據蘭州府循化同知洪彬稟報廳屬撒拉回人蘇四十三  
等因爭立新教將舊教回人殺傷數名臣隨委蘭州府知府  
楊士璣河州協副將新柱前往查辦三月二十日午刻據揚  
士璣稟報新柱與該府帶領兵役前往循化十八日申刻行  
至白莊子被新教回匪千餘人將莊圍住等語臣不勝駭異  
即選派本標兵二百名帶同臬司福崧星夜前往該處務將  
逆犯全數查拏嚴審治罪倘敢負固不服即檄調附近官兵  
相機辦理

同日勒爾謹又奏言二十日戌刻途次據署河州知州周植  
稟報新教逆回於十八日晚將知府楊士璣副將新柱殺害

四十六年三月

等語臣思逆回罪大惡極必須迅速勒除隨飛調固原涼州  
甘州西寧肅州五提鎮兵共二千名星速前往臣於現帶本  
標兵二百名外又續調三百名帶同福崧連夜兼程前赴相  
機勒捕並札令提督仁和前往會同商辦又據河州署都司  
李奇稟報已派兵二百名交署守備袁尚仁帶往該署都司  
現在看守城池均奏入

上命軍機大臣傳諭勒爾謹曰回人爭教細事何致因此殺害大  
員其所爭立新教係由何處流傳向來有無此等名目是否另  
有希圖搶劫別情勒爾謹摺內總未明晰聲叙將來獲犯時均  
應逐細審究詳晰具奏不可絲毫隱飾至勒爾謹初派本標兵  
二百名原屬過少其知府楊士璣副將新柱前往查拏時辦理  
亦未能妥協以致被賊殺害况知府副將係文武大員所帶官

弁兵後自復不少若因兵少不能抵禦被賊傷損者多以致知  
府副將同時遇害自應據實奏聞朕必加之優卹若官弁不能  
督率兵役奮力禦賊甚或兵役等畏怯先逃致領兵大員遇害  
則逃兵等均應拏獲正法不可稍存姑息著傳諭勒爾謹俟事  
定時遵照辦理至所帶兵數前後幾及三千又札會提督仁和  
前往會辦仁和係曾經出兵打仗之人軍務頗為熟悉勒爾謹  
當與之和衷速辦總以慎重明決為要并諭仁和知之  
臣等謹崇甘肅地界邊疆民貧土瘠我  
皇上德澤涵濡痼疾在抱撫綏賑卹無一不上厯  
宸衷至如蘭州河州等屬錯處者回沐浴  
恩膏均入帡幪之宇乃撒拉逆回蘇四十三等因爭教構釁竟  
敢戕害長官肆行抗拒實出

覆載生成之外其時督臣勒爾謹

奏函甫達

皇上首以慎重明決為

諭嗣後屢

示機要迅就掃除皆由

睿謨廣運炳燭幾先是以數千里外如在目前也

壬寅勒爾謹奏言臣於二十二日午刻行抵狄道州據河州  
協兵丁李成得報稱逆回男婦約有二千餘人各帶馬匹器  
械於二十一日二更時圍困河州城殺死守城兵丁一擁而  
入將州城佔據署都司及知州未知存亡該兵逃出飛稟等  
語逆回殘害大員佔據城池殊堪髮指臣擬即親往勦滅但  
所帶本標兵丁僅有五百名眾寡不敵恐有疎失未敢冒昧

且狄道擊隣河州若狄道有失則省城亦屬可虞是以在州城屯劉堅守俟前調兵陸續到來如足一千名之數即親帶前往務將逆回盡行勦滅以快人心而伸

國法奏入

上命軍機大臣傳諭勒爾謹仁和曰此時勒爾謹帶兵無多自應持重堅守俟仁和并前調各兵陸續到來一鼓擒滅方合機宜自不便輕易舉動至逆回本因爭立新教致相仇殺今閱該督摺內所稱殺官抗拒佔據州城之賊如係新教首逆即應明切曉諭舊教之人救其互相爭殺之罪作為前驅令其殺賊自効如此以賊攻賊伊等本係宿仇自必踴躍爭先既壯聲勢又省兵力而賊勢益分勦滅自易若勒爾謹與仁和相機妥辦至河州城池堅固有文武官弁兵丁守衛何致賊匪一擁而入將城

佔據其平日所為守禦者何事所有該署都司及知州等應查明下落如因城池失守以一死塞責尚有可原如竟苟活潛逃即當立正典刑以昭炯戒除另行傳諭西安提督馬彪帶兵二千名前往協同勦捕外并令西安寧夏將軍各預備滿兵一千名如必須協濟該督即一面飛調一面奏聞至健銳火器兩營尤為勁旅現亦挑選預備該督與仁和務須和衷協力妥速辦理

同日

上命軍機大臣傳諭馬彪曰勒爾謹所帶兵丁恐不敷用提督馬彪曾經出兵打仗著即挑選各營精壯兵丁二千名選派勇幹將弁帶領星速前往隨同勦捕毋致稍稽時日

同日

上命軍機大臣傳諭欽差大學士公阿桂曰據勒爾謹奏蘭州撒拉爾回匪蘇四十三等搶據河州城勒爾謹因兵力尚火現在屯兵狄道州俟各路營兵調齊即行進剿等語現已傳諭西安提督馬彪帶兵二千名迅速前往並諭西安將軍伍彌泰寧夏將軍莽古齋各選集兵一千名預備倘須調用即令前往協同勦捕並於火器健銳兩營兵丁內挑選預備阿桂此時查辦河務已將次就緒著即速起程來京倘有必須勁旅之處阿桂即可帶兵前往著將前降各諭旨及勒爾謹仁和奏到各摺一併

抄寄閱看

同日甘肅布政使王廷贊奏言二十一日申刻據報賊匪進逼河州勢甚猖獗現在督臣勒爾謹帶兵前往勦捕臣即飛稟督臣加調官兵速為應援并嚴飭附近地方官多集兵役

壬寅

堅守城池查省城重地甚為緊要臣現同蘭州道圖薩布候補道永慶督同文武官員派撥兵役嚴密稽查小心防守並安慰居民毋使驚擾奏入

上命軍機大臣傳諭王廷贊曰蘭州係省城重地著令王廷贊督率堅守並須不動聲色毋得過洩張皇若稍有疎虞王廷贊不能當其咎也

癸卯西安將軍伍彌泰陝西巡撫畢沅副都統薩炳阿西安提督馬彪奏言臣等於本月二十四日接准督臣勒爾謹札

開甘省撤拉爾回匪爭立新教互相仇殺并將知府楊士璣副將新柱傷害現已選派本標及檄調各鎮官兵親往勦捕等語查逆回等兇殘不法實為天地所不容今督臣帶兵前往自當立即勦除但臣等思回匪必嘯聚多人方敢肆行抗

拒且其北內逼河州外者者境若再稍稽時日不能全數誅  
 鋤更屬不成事體自應協調官兵前往方足以資策應臣馬  
 彪久在軍營兼以生長西寧熟悉情勢因即於二十五日星  
 夜先行馳往并遴選西安綠營精兵一千名臣單沅妥速料  
 理派委西鳳營參將富舒後營遊擊海柱於二十六七等日  
 分起帶兵迅赴河州臣伍彌泰薩炳阿現亦預挑西安滿兵  
 一千名與臣單沅察探情形倘有必須調度之處臣伍彌泰  
 曾駐西寧稍為諳悉即當親自帶往奏入

上命軍機大臣傳諭阿桂曰據伍彌泰單沅等奏提督馬彪已於  
 二十五日星馳前往並選兵一千分起迅赴河州又伍彌泰現  
 挑西安滿兵一千預備親自帶往接應所辦與昨降諭旨相合  
 甚屬可嘉至新舊教既自相仇殺必非合夥或教一勦一以分  
 其力未嘗不可而其互相仇殺之罪待事定再辦此等機宜恐  
 勒爾謹不曉且爭教仇殺起釁自非一日勒爾謹何以早未等  
 辦此時各路大兵雲集調度機宜最為緊要恐勒爾謹未能料  
 理恣協著傳諭阿桂竟不必來京即從河南取道徑往甘肅程  
 途較近所有節次所降諭旨并批示奏摺已經抄寄閱看亦別  
 無訓諭之處阿桂即由南馳驛前往到甘肅後即將查明新教  
 舊教及調度勦賊情形迅速具奏

同日

上命軍機大臣傳諭勒爾謹曰前勒爾謹所奏回匪名目及新教  
 舊教總未明晰既係兩教爭立互相殘殺斷無官兵緝捕時轉  
 致合而為一之理究係何教之人首先抗拒逞兇現在彼一教  
 情形若何著勒爾謹即查明覆奏此時總須鎮靜辦理不可稍

涉張皇再昨降旨預備健銳火器兵各一千因思自京至甘肅  
 程途四千餘里若由烏魯木齊選兵前來較為近便已另降諭  
 旨令奎林預備如有必須協濟之處勒爾謹即一面奏聞一面  
 飛調

四月甲辰勒爾謹奏言臣現在駐劄狄道候兵力稍集即行  
 行擒勒查蘭州固屬省會重地但若專顧省城恐狄道有失  
 臣起程時已留中軍副將和成額小心防守一聞河州失事  
 即飛飭布政使王廷贊會同和成額加倍嚴防至各鎮道路  
 遙遠調兵未及其西寧鎮屬原調兵四百名茲據該鎮署副  
 將貢楚克達爾稟報現已派兵一千名率同將備分起帶往  
 臣隨飭令迅速前進一到循化即就近直搗賊巢臣領兵由  
 狄道河州一帶分途擒勦兩路夾攻仰仗

四月廿四日

聖主天威自能全數就獲

勒爾謹又奏言查固原鎮總兵圖欽保奏請

陛見已蒙

恩允臣現委兆岷協副將策卜坦接署鎮篆茲圖欽保尚未起程  
 臣即檄調帶兵前來幫同勦捕策卜坦暫令駐劄蘭州協同  
 防守再臣原派涼州鎮屬兵四百名據該鎮總兵官德寧報  
 稱原調四百之外又添派二百名已於三月二十三日帶領  
 起程均奏入

上命軍機大臣傳諭勒爾謹曰據勒爾謹奏現駐劄狄道州候兵力  
 稍集即行進勦自應如此辦理此時務須持重安慰眾心至署  
 西寧鎮副將貢楚克達爾已派兵一千率同將備前進顯為勇  
 往曉事如到彼果能出力即可勝西寧總兵之任又現在調集



之提鎮仁利馬彪圖欽保等均係効力戎行熟習軍旅之人勒爾謹當與之和衷共濟將來仁和等勒賊成功即勒爾謹之功切忌自用

同日

上命軍機大臣傳諭阿桂曰昨降旨令阿桂馳驛前往甘肅辦理勒賊逆回事宜此時諒已奉到前旨迅速進行矣因思阿桂到彼調遣需人已派乾清門已圖魯侍衛福寧泰斐英阿明山阿蘭保各賞銀一百兩馳驛前往甘肅聽候阿桂差遣又現在來京引見之肅州都司馬雲即係西寧人熟悉該處情形亦賞給銀一百兩隨泰斐英阿等同馳驛前往聽用看來此事起釁已久勒爾謹平日不能約束使之知感知懼或存將就了事之見以致釀成事端阿桂務悉心籌畫妥協辦理將賊匪勒滅盡絕根株以靖地方並此案或因勒爾謹辦理不善或係地方官釀成均著詳晰查明具奏

臣等謹案回衆爭立新教與舊教互相仇殺肇釁已匪一日使地方大吏早為審斷經理得宜原可弭患未形乃姑息因循寢致養癰貽害勒爾謹寔難辭咎哉

皇上洞燭如神於逆回起事之時已知督臣素無約束釀成事端命臣阿桂即由河南馳驛前往詳晰查辦臣阿桂等仰稟審裁悉心調度凡綏靖機宜靡不在

聖明宵旰中矣

同日伍彌泰畢沅薩炳阿奏言臣等挑撥綠營兵一千名已於二十六七等日派員分起帶領全數起程約計四月初五六間即可前抵蘭州復接據布政使王廷贊等稟稱逆回已

聞

將河州攻破該回匪勢甚猖獗自應厚集兵力剋日勒除昨臣等預挑西安滿兵一千必須前往接濟方為妥協現已分作兩起臣伍彌泰於二十七日親自率領頭起官兵并攜帶印信星速起程其第二起即於二十八日派委協領等帶領前進與督臣勒爾謹等商酌相機會勒奏入報

同日畢沅又奏言二十八日辰刻接據蘭州馬兵表來文稟稱逆回於二十五日午刻進逼蘭州焚燒關廟所有調到涼州鎮羌靖遠及大城看守兵丁傷折過半大城眼前失事等因逆回克殘不法變出非常急須厚集兵力速行殄滅查馬彪帶領西安綠營兵一千伍彌泰帶領西安滿營兵一千已先後進發臣聞信後復飛札催促趨行應援臣前酌量逆匪情形已於所調兵二千餘名外預調延綏鎮兵一千名現又續調一千名令從高平涼一帶星速前往又飛調興漢鎮兵五百名令總兵三德帶領從略陽鞏秦一帶前往但各處路途遙遠官兵即晝夜遊行到彼亦須時日而逆回猖獗已甚非得八旗勁旅恐未能立即勒除仰懇

皇上迅發京兵并派熟悉軍務大臣帶領前來以資策應至陝省此時兵力合計不過萬餘現已檄調三千五百名而南北地方遼濶無之漢鳳略陽陽坪關隴州等處亦係外通番境處處緊要均須妥為防守是本省兵丁不敷再調臣已飛札知會四川督臣文綬將軍臣持成額提臣明亮飛調官兵由略陽一路間道前赴甘肅之秦鞏一帶以便堵截會勒復飛札河南撫臣富勒渾山西撫臣雅德飛調該二省官兵前赴西

安省城聽候調遣至沿途臺站車輛馬匹糧餉軍火器械各事宜臣已與布政使尚安按察使滿霖等分頭迅速妥備務

期無誤軍行再西安省城存貯火藥鉛丸除已調發外庫內所存無幾臣現在催促製造陸續運往並飛咨河南山西撫

臣令其各備五萬斤速派委員運送西安以資接濟奏入

上命軍機大臣傳諭阿桂軍沅曰本日畢沅奏送回進逼蘭州焚

燒關廟省城眼前失事已飛札文綬等調兵會勦復札富勒渾

雅德調河南山西兵前赴西安聽調並懇迅發京兵派發忠軍

務大臣帶領前往等語昨已傳諭阿桂令其即由河南星赴甘

肅令逆回如此猖獗阿桂應即迅速進行現派尚書和坤顏駿

拉旺多爾濟領侍衛內大臣海蘭察護軍統領額森特馳驛前

往甘肅並派巴圖魯侍衛帶健銳營兵二千名火器營兵二千

名即日分起迅速前往如和坤等先到甘肅即行調遣辦理俟

阿桂到彼即交阿桂接辦和坤仍即回家供職

同日

上命軍機大臣傳諭索守伺文綬特成額明亮富勒渾雅德曰畢

沅奏調四川官兵現有從前曾經平定金川之兵可以調往堵

截至河南山西二省兵本不多且防守亦為緊要該撫等止須

預備于本省邊境聽候調遣不必即赴西安惟所需河南山西

各備火藥鉛丸五萬斤即當迅速辦理接濟至京兵四千名由

直隸山西一路前往所有應用馬匹車輛及例應供給之處必

須早為預備俾京兵迅速進行

同日畢沅薩炳阿奏言逆回進逼蘭州必須再調滿兵以資策應臣薩炳阿現已挑選西安滿兵六百名即日帶領起程

星夜前往與臣伍彌泰協兵勦所有滿營各事務現交臣畢沅管理奏入

上嘉之

乙巳

上諭內閣曰現在甘肅需用銀兩甚屬緊要所有該省春撥銀八十萬兩尚恐不敷著再於部庫內撥銀一百萬兩仍於鄰近省

分先行遞撥解往俾得迅速濟用該部即遵諭行

上又諭內閣曰農起著賞戴花翎馳驛前往甘肅辦理軍需等侍

堯著加恩免罪賞給三品頂帶並賞戴花翎與副都統黃檢一

體馳驛前往並著和坤傳旨黃檢即由保定前往不必來京

同日

上命軍機大臣傳諭阿桂和坤曰現在甘肅省事務紛繁急需大

臣協同料理而軍需出入尤關緊要因思李侍堯前經獲罪但其才識可用此時需入之際不能復拘常格已傳旨免其前罪

賞給三品頂帶花翎令前往甘肅又安徽巡撫農起來京陛見

人尚結實亦令其前往又昨因黃檢在山西直隸聲名平常念

伊祖黃廷桂舊勞仍用為副都統伊辦事尚屬勇往著和坤於

過保定時面傳諭旨令其隨往伊等三人俱著總辦甘省軍需

事務此外如有應辦事件阿桂和坤亦可一面交辦一面奏聞

並派司員內京察記名以道府用之海廣李昭豐蘇楞泰係年

景如栢前往甘省交阿桂和坤差遣委用再應用武職人員現

在派往之乾清門侍衛等即可酌量調派其候補副將和倫亦

已傳旨前往此外如有需用武職人員並著就近撤調至阿

桂和坤辦理此事必須印信已令福長安齋欽差大臣閱防交

桂和坤辦理此事必須印信已令福長安齋欽差大臣閱防交



與和坤帶往甘肅俟見阿桂即令轉交應用

同日

上命軍機大臣傳諭畢沅曰此次甘省需用銀兩較多已諭令該部於甘省春撥八十萬兩外再撥部庫銀一百萬兩並先令鄰近省分遞撥解往著畢沅即于陝省庫貯內先行的撥選派委幹員弁帶領兵役護送毋稍疎虞

同日山西巡撫雅德奏言臣於三十日未刻准陝西撫臣畢沅札稱檄拉爾回匪直撲蘭州兵力不支陝省存營兵丁無幾現已請調京兵恐緩不及濟晉省與陝甘較近迅即酌派官兵星夜前來赴甘會勤等因伏思小醜跳梁必須多派官兵進剿以期迅速藏事擬派太原鎮兵一千五百名大同鎮兵三千五百名共兵五千名已飛咨兩鎮調撥并多帶烏鎗

兵以資得力查大同鎮界處邊陲地方緊要且現在殺虎口副將尚未到任未便擅離太原鎮總兵福敏泰聚練軍務即令該鎮將所派兵一千五百名限三日內帶領起程其大同鎮所派兵三千五百名每兵一千名派出參遊一員為總領再派都司一員守備二員千總五員把總外委使十員分司管束并備隨營調遣之用挨次起程統歸福敏泰管轄協同會勦奏入

上命軍機大臣傳諭阿桂和坤雅德富勒渾曰昨傳諭山西河南官兵止須在該省邊境駐劄以備調遣今據雅德奏已派兵五千名令太原總兵福敏泰帶領赴甘會勤是晉省兵丁業經起程現在和坤前往甘省驛路本由山西行走即於經過時帶兵前進聲勢更為有益至河南兵力本不及山西著仍遵照前旨

於本省邊境駐守毋庸前赴甘省

同日王廷贊奏言臣於督臣勒爾謹帶兵起程後率同文武各員嚴守省城城中兵除勒爾謹帶去五百名外止存督撫兵三百餘名臣隨檄調附近之莊浪滿兵三百名漢兵二百名涼州滿兵六百名西寧鎮兵於原調四百名外又調一千名前來應援河州距省三百八十里逆回佔據河州後即於三月二十五日帶賊眾三千餘人由間道徑抵蘭州幸是日莊浪滿兵三百靖遠漢兵二百先至臣即撥派兵二百名民壯百餘名出城在路口迎擊我兵多有損傷賊人直困蘭城今已晝夜二十七日已刻聞涼州滿漢兵九百名已抵省城之河北正欲渡黃賊眾竟殺傷護守浮橋兵民將橋拆斷把住河口兵難過河城內守兵單弱勢在危急而督臣駐劄

狄道以待援兵均不能剋期而至臣為

國家城池人名所關甚重不即死戰以悞大事惟有悉力守禦

倘荷

聖主洪福固原西寧之兵旦晚一至庶可獲全

王廷贊又奏言此案內有安定縣回民馬明心係新教之主前經循化廳查出解省收禁令賊人未犯省城並聲言索取馬明心臣許其城上一見諭以稟明督臣俟批覆到時即行釋還原欲為緩期集兵之計但逆回兇惡實不可信況該犯為新教起事恐遲則生變或致被賊槍斃臣於令賊人見面後即將馬明心正法以免疎虞奏入

上命軍機大臣傳諭阿桂和坤伍彌泰畢沅馬彪王廷贊曰據王廷贊奏報賊匪直抵蘭城困守兩晝夜寺語伊係文臣能如此

固守若再待數日援兵一至即可保全城池是即王廷贊之功  
深為可嘉又奏稱賊人素取馬明心王廷贊許令城上一見後  
即行正法既安賊匪之心又將賊首正法辦理甚合機宜著伍  
彌泰馬彪速催滿營綠旗各兵丁迅速前進赴援此時伊守統  
兵行至何處距蘭州尚有幾站即速奏聞王廷贊著賞戴花翎  
并賞御用大荷包一對小荷包二對交與伍彌泰等遣人齎賞  
王廷贊並傳旨嘉獎和坤接到此旨時亦即催伍彌泰馬彪所  
帶之兵迅速行走並將王廷贊能固守省城先除賊首之處明  
晰獎諭至此為王廷贊齎摺出城之人亦屬能事可嘉並著  
伍彌泰等查明重賞以示鼓勵

臣等謹按逆回佔據河州進逼省城肆擾無忌實為罪惡

貫盈

皇上以蘭州省會重地早

飭藩司王廷贊督率防護毋致疎虞茲因王廷贊奏報固守蘭城

以待援兵之至

嘉其守土勤勞

獎賚綢緞復念及緹城馳捐頗屬能事亦令並速

恩施

甄錄所加不遺微末是以身受者無不感奮自動也

欽定蘭州紀畧卷二

丙午

上命軍機大臣傳諭阿桂和坤曰現在逆回佔據河州州民畏其  
其殺害勢必脅從伊等本係愚民猝遇賊眾凌逼其罪可寬至  
生監等從賊草茅微末尚可稍貸若本身在京及在各省出仕  
者或其家屬從賊情亦尚有可原惟曾經出任回籍人員如有  
甘心從賊不顧名義法無可恕必當從重治罪著阿桂和坤于  
勦滅賊黨後查明分別辦理

丁未阿桂奏言本月初一日臣在安陽途次接奉寄到

諭旨並閱勒爾謹等各奏摺逆回罪大惡極自應立即勦除現已

欽奉

諭旨令馬彪帶兵前往并諭伍彌泰莽古費各選兵預備調用並

四十六年四月

於火器健銳兩營兵丁挑選預備仰見

睿慮周詳無微不至臣逆回意在劫殺因河州先已派出兵丁二

百名存城兵力單弱居民事出倉皇各顧家室不能盡力守

禦以致猝被攻破現在提督甘和及勒爾謹前調各營兵二

千名陸續到齊兵力既集無難一鼓擒滅臣於二十二日晚

由時和驛起程因瘡疾發動每日僅能行百餘里今接奉

諭旨儘力進行約計初九初十可以到京奏入

上命軍機大臣傳諭阿桂和坤伍彌泰畢沅農起尚安曰阿桂奏

到遵旨回京一摺計拜發此摺後又接到續降不必來京之諭

旨諒即由途次前往但伊因瘡疾發動每日僅行百餘里此時

即竭力趨程恐亦未能迅速到甘現在甘省急需重臣督辦刻

不能緩和坤年力強壯行走自能便捷計可在阿桂之先務

頃星夜兼程前進督辦一切俟阿桂到甘省後和坤仍遵旨將所辦事宜詳悉告知阿桂再行回京至和坤到彼倘亦不能如期其自西安至甘省一帶現在乏人料理關係綦重伍彌泰帶兵前進計此際已抵甘省所有一切調度應辦軍需糧餉各事宜即著伍彌泰悉心經理並著傳諭尚安就近即速馳赴隨同伍彌泰辦事仍將如何經理之處一面迅速覆奏一面通知阿桂和坤至尚安起程後西安又少大員協理著傳諭農起迅速趕赴西安留同單沅和表商辦其西安布政使事務另行奏署再由京派往之滿漢司員本係記名以道府擢用人員如單沅有需人之處即酌留一二員聽候差委

同日河南巡撫富勒渾奏言臣接准陝西撫臣單沅札稱今臣酌派官兵前赴西安調用自應就近撥往以資接應查河

南通省各營額設兵九千九十五名內河北南陽二鎮各設兵四千餘名臣已飛札該鎮各挑健兵一千名即令曾經出師金川之河北鎮臣觀成先統兵一千名馳赴西安候調其南陽鎮標兵一千名另派歸德營恭將王國士暨遊擊守備等員亦分二起陸續前往臣同藩司李承鄴辦理妥協即馳赴陝豫交界之潼關地方稽查點驗催送出境並分飭接壤各屬嚴密防堵再准單沅咨會令臣撥解火藥五萬斤赴西安備用臣現于貯藥較多之河北鎮左右二營河南開封二營各撥一萬斤陝州營二千斤臣標左右二營各四千斤共足五萬斤之數分委安幹弁兵星馳解往奏入

上命軍機大臣傳諭阿桂和坤伍彌泰富勒渾單沅曰據富勒渾奏稱于河北南陽二鎮各挑兵一千名令河北鎮臣觀成等帶

領起程等語前經降旨令該省官兵于邊境駐劄備調毋庸前赴甘肅今該撫既預為調集派往俾甘省多得兵力接應以壯聲勢亦屬可行此項官兵若未入陝西境仍可不必前往若已入境即令前往俟阿桂和坤到彼相機進剿時聽候差委

戊申阿桂奏言臣于直隸磁州途次接奉寄到諭旨令臣即速來京以備帶兵前往甘肅臣思送回曠聚不過二千餘人况河州城內俱係百姓無可脅從不難立即殲除現在勒爾謹等續調各營兵丁諒已到齊又有西安提督馬彪先行馳往並遴選西安綠營兵一千名分起迅速赴河州計西安至蘭州十八站蘭州至河州二三站約本月初旬可到自必將逆回勦滅全完如果賊勢猖獗必需續添兵力所有帶兵之人最為緊要伏乞

皇上于海蘭察額森特二人內酌派一人先行馳往並令于侍衛章京內如阿爾都等前在軍營得力伊所深知者揀派數人

奏聞請旨派令前往至奎林勇往能事但由烏魯木齊帶兵前至河州亦幾及四千里未免行走遲滯將來如果調用奎林竟請特降諭旨令其先行馳往並令于所屬厄魯特內挑選精兵一二百名派員隨後帶赴河州備用更為有益臣接奉諭旨後即帶同軍機司員仍由彰德衛輝一帶前赴甘肅惟有儘力趲行以期早到奏入

上命軍機大臣傳諭阿桂和坤曰據阿桂奏在磁州接奉諭旨即由彰德衛輝一帶儘力邁行等語海蘭察額森特二人業經派



令同和坤前往其阿爾都等亦隨同和坤赴甘至奎林先已降旨令其帶兵來甘後因烏魯木齊至甘肅程途太遠恐緩不濟急復經降旨停止此時派往之人甚多亦無需奎林一人也

上文命軍機大臣傳諭阿桂和坤曰送回傷官職官佔據河州一案總係勒爾謹平日不能預為覺察以致養癰貽患及事發後又不詳查起畔根由確實陳奏事完之日阿桂和坤必須徹底跟究實在如何貽誤之處不得稍涉含糊再王廷贊所奏安定縣回民馬明心係新教之主則其入實為此案首犯但究係何時掣獲如何審辦勒爾謹從前並未陳奏殊不可解至此等回匪聞從前年羹堯在彼時曾痛加懲創誅殺甚多五十年來僅得安靜今其醜類漸又繁滋復有此事所謂奸則人怒則獸將來辦理事凡隨同逞兇肆逆搶佔河州圍逼省城者均應勒洗

不得稍存姑息使隣近者人知所畏懼此為綏靖邊方起見不得不如此辦理至賊匪入數據勒爾謹原奏連婦女不過二千人而王廷贊奏稱圍蘭州時有三千人蓋伊身在圍城未免為羣言淆惑其實逆賊既佔河州必不肯捨棄自必留人佔守甚或分其黨羽侵犯狄道亦未可定焉得復有三千餘賊圍逼省城此或賊人所過地方脅迫良民為之先驅將來執訊時不可不分別辦理此皆阿桂和坤到甘省時應行留心酌辦之事著即先行傳諭令其存記遵照妥辦

臣等謹案自古帝王綏靖疆隅式遏寇虐為邊方大吏者理宜申明教誡宣播

德威使宵小無由竊發若扭于積習姑息養奸勢將滋蔓而不可制甘省大吏歲久廢弛致小醜跳梁肆行滋擾自屬責有

啟歸

皇上屋念邊陲

特命重臣從嚴辦理凡隨同肆逆者盡予翦除以杜亂萌而申國法至圍城賊眾恐有良民被脅先驅

諭於執訊時加意區別俾免玉石俱焚所以為義之盡仁之至歟同日雅德奏言臣前准陝西孫臣單沅札會於太原大同二鎮調撥兵丁五十名派令總兵福敏泰帶領前往策應於四月初二日酉刻接據單沅札稱探得三月二十七日以前蘭城併力固守該處投鎮及西安滿營并陝甘各路之兵俱陸續可到足資保護今晉省止備兵一千名如有必需應用再行調取等因查現在所調官兵尚未起行臣隨飛咨大同鎮臣概行停止并咨會太原鎮臣福敏泰將所派兵一千五百名內挑選一千名仍為預備如果必須調用俟陝省知會到日再行起程

雅德又奏言現在調兵進勤送回文報往來關係緊要臣飛飭沿途州縣添設腰站多備廉壯馬匹以供馳送並令該管道府親往董率稽查務期加倍迅速至京兵過境一切車馬草料餼支等項自須預為妥備以利進行查山西省甘肅兩至榆次縣之王胡驛俱係崎嶇山路車輛難行隨與藩司譚尚忠等悉心籌議擬于該三站全備騾馬以備官兵乘騎又賦載軍裝之用其餘各站應付車輛馬匹事宜已密飭地方各官上緊趕辦尅期妥備均奏入

上命軍機大臣傳諭阿桂和坤單沅伍彌泰馬彪曰本日據雅德奏接據單沅札隨將大同鎮兵停止等語單沅所辦真屬曉事

可嘉但伊何以此時尚未奏到著傳諭畢沅即將現在情形及一切調度事宜隨時運奏至西安滿營并陝甘各路之兵日內計可將次到齊著傳諭伍彌泰馬彪即將官兵曾否到全現在如何籌辦進剿之靈迅速馳奏至和坤諒已兼程前進不必帶領晉省兵丁行程更可迅速

上又命軍機大臣傳諭雅德曰雅德奏添設腰站多備馬匹以供馳送文報兩辦甚好至京兵過境預備驛馬以利進行等語此則可以不兵由河南而行惟派出之大臣侍衛官員及文報往來仍由山西行走屢經降旨傳諭雅德即遵照辦理一切妥為籌辦不必稍涉張皇

已酉勒爾謹奏言臣前因迂回佔據河州隨檄飭循化文武各員擒蘇四十三等家屬并飭署西寧鎮貢芝克達爾帶兵

由循化一帶截其歸路以便兩路夾攻旋聞迂回由小路潛赴省城其存留河州之賊自屬無多即飛飭貢芝克達爾作速收復河州臣將原帶本標兵五百名留二百名駐守狄道率同臬司福森帶兵三百名并傳集土兵七百名星夜放省救援于二十九日抵省現在提督仁和總兵圖欽保德寧城守尉額爾恒額俱先後到蘭所有勦捕事宜臣等惟有公同商酌四路擒拿務期迅速竣事并慮退回勢窮力促或由洪濟橋沙泥站兩小路逃竄已分派官弁帶領漢土官兵分途前往預備擒拿

同日勒爾謹又奏言據西寧鎮標遊擊祥保循化營遊擊瑚松阿稟報帶領漢土官兵赴河州擒勦匪犯已將守城賊黨十九名盡行斃斃擒獲蘇四十三之侄蘇二個現在嚴行監

禁并派千總楊有鳳領兵一百名駐城彈壓又據循化文武各員稟報生擒要犯蘇五個係蘇四十三胞弟并獲馬八十三等十七名又搜獲回婦二十三口俱經監禁等語臣飭將所獲各犯派委員弁嚴加鎖鑰聽候訊明辦理并嚴飭再行搜拿毋使一名漏網並遍張曉諭招撫河州一帶逃散居民各安生業一面選派委員速赴河州加意撫恤以期小民得

同日甘肅提督仁和奏言臣于三月二十六日酉刻行至距蘭州四十里之沙井驛地方聞省城鎗砲不絕旋據馬報稱撒拉爾回匪約有二三千名已從蔣家灣前來圍困蘭城燒燬西南關廟并將浮橋拆斷道路不通臣聞信急欲往接但止帶兵十數名正在焦急間適有涼州總兵德寧帶領標

兵三百名署副都統城守尉額爾恒額帶領涼州滿兵三百名齊抵沙井驛因橋已拆斷隨差弁赴張家河灣一帶覓舟船隻至二十七日有莊浪土司魯璠帶番兵二百名從黃河南岸前來應援臣即令該土司者兵在南岸紮營以牽賊勢一面傳令船隻在金城關一帶分布臣等是夜帶領官兵直至金城關渡口二十八日黎明臣因金城關係省城咽喉最關緊要即于該處把守船渡併派兵將砲向賊施放使其不能堵遏賊匪一見我兵從燒燬房屋內用鎗石飛打臣即督令德寧額爾恒額乘船直過河南官兵奮力上岸時有關廟內賊匪回匪齊出迎撲臣一面在金城關飛速打砲一面督兵在河沿剗定接仗土司魯璠亦帶領番兵從南岸賊營之後奮力攻打賊匪雖屬猖狂仰賴

聖主天威我兵努力奮擊城上官兵亦施放鎗砲直至申刻將賊匪擊退止山臣因兵力單弱未及趕赴並因城西逼近黃河難以剿營隨令官兵繞至城東寬濶地方安營嚴加堵禦一面檢查屍身約鎗砲斃賊四五十名我兵內都司王宗龍陣亡是夜固原鎮總兵圖欽保帶兵五百名從省城東路前來亦在城東創營二十九日早賊匪從嶺下樓圖欽保及德寧額爾恒額等即帶兵迎擊臣是時立即過渡親督官兵奮攻直至山梁臣等公同察看賊人約有二三千名若在山梁則營恐兵少無益商定帶兵緩撤至山下剿營堵禦此次雖未佔據山梁而官兵甚為奮勇斃賊甚多并生擒二名圖欽保親殺賊首四級至督臣勒爾謹於是日晚從狄道抵省臣等現在籌商竭力勦捕以期迅速肅事均奏入

上諭內閣曰此次仁和等會勦逆賊奮勇出力均屬可嘉仁和圖欽保德寧額爾恒額貢楚克達爾均著交部從優議叙並各賞大荷包一對小荷包二對額爾恒額并著賞戴花翎德寧貢楚克達爾如未經賞戴者一體賞給戴用遊擊祥保瑚松阿斌擒賊犯亦屬能事均著交部從優議叙司魯瑞亦勇往可嘉著加一等賞給職銜並賞戴花翎以示獎勵至畢沅在陝西境內聞有甘省逆賊滋事即能悉心調度事事妥協並有先辦而與朕旨相合者實屬可嘉之至著賞給一品頂帶仍交部從優議叙並賞給大荷包一對小荷包二對布政使王廷贊于逆賊圍逼省城時能悉心守禦且將新教首犯馬明心先行諭示賊眾復即正法辦理實合機宜業經賞給荷包花翎著加恩賞給一品頂帶仍交部從優議叙至此事係勒爾謹從前經理不善以

致養靡貽害其咎原無可辭但伊現在辦理收復河州及會剿逆匪尚屬迅速妥協統俟事畢後再行核其功過另降諭旨其陣亡都司王宗龍甚屬可憫所有應得賞卹該部照例議給其陣亡受傷滿漢官兵及土兵等均俟查明從優議卹  
臣等謹恭賞功罰罪政治之大經撤拉爾回匪肆逆經仁和等統兵會勦仰藉  
天威擊退上山勢已日就窮蹙我  
皇上特降  
恩綸於奮勇之提鎮以下並土司魯瑞均予優叙至陝甘宣力諸大員俱進階逾格即勒爾謹因循貽誤咎本難辭亦以此次收復河州未忍遽加嚴譴厥後冒賑折收一案爰書既定仍不回事姑容仰見

大聖人刑賞大公至正一惟其人之自取絕無稍存成見也

同日

上命軍機大臣傳諭和珅勒爾謹畢沅曰據勒爾謹奏擒獲蘇四十三之弟伍蘇二個蘇五個并獲要犯馬八十三等現在嚴加鎖鑰候訊等語蘇四十三弟伍并馬八十三等俱係案內要犯該管即派委幹員押解并將此外等獲助惡要犯一并迅速解京恐逆小心防範毋稍疎虞至仁和摺內官兵直至山梁察看賊勢又稱此次雖未佔據山梁所奏尚未明晰該提督所指山梁係屬何名現在賊入是否佔據山梁著即查明覆奏至阿桂現有瘡疾恐未能迅速行走已諭令不必勉強而和珅行走必速仍須馳往甘省督辦一切并將善後事宜會同勒爾謹妥協辦理



同日阿桂奏言臣于初三日行至新輝接奉

諭旨及畢沅奏到各摺送回竟敢進逼蘭州官兵多有傷折賊勢

猖獗殊堪髮指非厚集兵力大加殲戮淨絕根株不足以

憤恨臣現在晝夜兼程行走但自恨為瘡疾所累不能迅速

星馳計每日連夜趨行總在二百里以內實深焦急現奉

諭旨派尚書和珅等馳驛前往自可先到甘肅調遣辦理然臣亦

不敢因派辦有人稍紓己責惟有儘力兼程以期迅到接辦

奏入

上諭曰今日接勒爾謹奏到賊勢已敗諸事易辦卿可放心養瘡

而行若再接住音並不往亦可

同日畢沅奏言臣因逆回進逼蘭州飛調各路兵丁前為應

接亦據提臣馬彪來札知蘭城尚在固守督臣仍駐狄道互

相牽制俾賊人不致蔓延四出現在馬彪等所領西安固原

兵一千四百名業已到蘭至伍彌泰薩炳阿帶領滿兵一千

六百名約于初五六內亦可先後齊到再臣前恐提臣靈領

兵將弁不敷派委查潼關協副將馬鎮國久在戎行熟悉形

勢都司董秀亦經出兵打仗因續行就近調取兵丁三百名

于初一日由西安星速前赴提臣處接濟再延綏鎮兵臣先

後飛調共一千五百名今仍從固原平涼一帶迅速前往至

督臣現由狄道前拒賊衆腹背受逼而兵力更為單薄亦須

速行接應所調興漢鎮兵五百名臣亦飛催總兵三德令從

畧陽白馬關小路行走約于初六七即可前至狄道以資接

應至臣前因蘭州省城形勢甚危迤東州縣守備皆虛而陝

省現存兵數又不敷再調是以飛咨四川河南山西三省酌

派官兵速為策應今已隔五日而西安及各路官兵陸續前

到蘭州司道等官守禦甚力似可無意外之虞臣續又知會

撫臣富勒渾只于就近陝省各營分挑撥五百名且在各本

營預備至山西距陝較近臣亦知會撫臣雅德挑選兵二千

名在蒲州駐劄統俟酌量局勢如必需接濟再行咨調到四

川省川北一路界連甘肅尅期可到且狄道迤南一帶山勢

險隘東連鞏秦靈臺均關緊要必得川兵一二千名間道星

速進行直抵狄道非但協同進剿大可得力且秦鞏等處聲

勢聯絡回匪聞風震懾自無滋蔓之虞臣現又飛咨四川將

軍提臣迅即調撥如數日內甘省河西之兵各路並集足資

會剿無庸隣省兵丁協濟即行飛咨停止再聞賊匪現在蘭

城西關外八蜡廟五泉山等處屯聚今提臣及各路官兵陸續

會集自可立即殲除一有捷音臣即飛摺馳

奏仰慰

聖懷奏入

上命軍機大臣傳諭文綬曰據畢沅奏如數日內甘省河西之兵

各路並集足資會剿即飛咨四川停止調遣等語本日又據勒

爾謹等奏到現已收復河州籌辦勦捕無須復調多兵呀有川

省官兵著傳諭文綬即行停止

上又命軍機大臣傳諭袁守祠雅德富勒渾曰前因甘省逆回佔

據河州令河南山西兩省選派綠營官兵預備調用並派健銳

火器營兵四千名派員分起帶往本日據勒爾謹等奏稱收復

河州賊勢已敗呀有籌辦勦捕事宜此時已無需各省兵力除

未經起行之京兵二千名停止發往外呀有前調之山西河南

等省官兵自應一併停止若已經調發出境亦即飭令各歸本營以省遠涉糜費

同日畢沅奏言現在各路官兵進剿退回自西安至蘭州一路自應安臺添站以利差務而速郵傳除陝省境內已飭布政使尚安前往妥為料理外至甘省涇州迤西各屬所有糧餉馬匹草料等項均須及早籌備而蘭城阻絕無項可領臣已飛檄各該廳州縣如本處庫無存項現有必須應用之處各差委員攜帶印領酌定數目赴西安藩司庫內借領以應急需將來另行核算至大略州縣邠乾以西奉蘭以東地方多係瘠薄民間畜養馬騾本少查綠營出兵向無供支脚力之例此次行程急迫晝夜併站趨發無以二十八九等日連值陰雨道途泥濘若令步行前進誠恐遲滯有誤軍行臣因

飛檄沿途各站不拘車馬騾頭酌量多寡預備令各官兵等接濟脚力到站更換以資迅速而各路赴蘭官兵所須火藥鉛丸弓箭等均係緊要必須每日雇覓車騾倒換前進方足以資接濟臣恐地方辦理不善致滋小民擾累甚將車馬隱匿不前以致貽誤復諄切曉諭令各寬給價值將來事竣後酌量應銷之項准其核銷則兵行自必迅速而小民所畜車馬價值寬舒必更踴躍趕赴以供雇覓于軍務較有裨益奏入報

聞

庚戌

上命軍機大臣傳諭和坤曰此時逆匪勢已窮蹙只須痛加搜剿諸事易于辦理所有火器營兵二千昨已降旨停止派往其健

銳營兵二千名內尚有五百未經起程現在亦經停止至于已去之一千五百名和坤于行抵西安時諒已知其大概或告知畢沅令其暫行停往西安聽候調用或約料無須此項京兵即可一面奏聞一面令其回京其海蘭察額赫特及乾清門侍衛等本為帶兵打仗派往若京兵已停其赴甘和坤或留一二人聽用或令伊等一併回京皆可至所有派往大員亦不必全令馳赴著傳旨令李侍堯回京候朕另降諭旨罷起亦著即回京陸辭仍回安徽巡撫之任再前此派往之京察一等記名司員李培等六員到甘後并著和坤勒爾謹畢沅商酌如兩省內有須用道府人員即酌留補用或不允全留或竟可無需俱令和坤與兩省督撫酌量辦理至此案起費根由勒爾謹並未明晰奏及已諭和坤等到彼查究務將實在情節徹底跟求其應奏

奏者俟查悉到日再定至勒爾謹養癰貽害咎實難辭但此時斷不宜遽行更換總督以致賊眾易生輕玩著和坤到甘後面傳諭旨令其知朕此意更加剋勉

同日

上命軍機大臣傳諭和坤勒爾謹曰前據王廷贊奏逆匪圍逼蘭州無為索取新教主馬明心等語馬明心既據王廷贊摺內稱為新教之主何以勒爾謹又奏蘇四十三為首犯若係同教不應有兩教主若分新舊教則素有嫌隙馬明心羈禁在省蘇四十三等自當悅服何復藉稱索取直犯蘭州其情節殊不可解至河州循化廳等處回衆共有若干種類其中有無當差食糧之人再如土司魯瑞又係何項土司何時受封襲職因何肯如此出力並更有似此之土司否著和坤于到甘省時會同勒爾

謹詳悉查明覆奏

欽定蘭州紀略卷三

壬子勒爾謹仁和奏言逆回蘇四十三等由河州山僻小路潛至省城在附郭一帶放火搶奪因城內官兵防守嚴密是以城垣並未傷損三月二十九日晚勒爾謹等帶兵到省駐扎城外逆回等先已退佔離省數里之山梁臣等與署副都統額爾恒額總兵圖欽保德寧按察使福崧公同籌酌隨於城郭闕角左近添派官兵嚴加防範隨於三十日派遊擊祥保帶領綠營兵五百名土兵七百名臣等督率前往由東山梁後繞道擒逆匪率眾來迎自辰至未殺賊三十餘名是晚逆匪亦未敢潛來窺探但其所佔山梁形勢甚為險峻且蘭州跬步皆山設一經逃竄轉致苟延殘喘必須分派官兵四面圍擒庶不致一名漏網計所調各路官兵於三四

四十六年四月

日內可以齊集惟有悉心籌酌以期一鼓直擒不使稍稽顯戮

諭旨同日和坤奏言臣昨於山西平定州途次接奉諭旨速赴甘省督辦一切伏思甘省距刻下行程尚有二千六

百餘里雖晝夜進行實非一時遽能趕到彼處近日情形未知何似心中倍切焦急此時西安旗營各鎮及甘省附近各提鎮官兵定當雲集第一時未有統屬之人恐諸鎮將爭先倖進賊匪烏合之眾或致他竄未免別生事端即或散歸巢穴將來追尋首夥各犯亦恐潛行藏匿轉得倖逃法網無以徹克逆而靖邊陲臣又一時未能即至昨蒙寄到

諭旨令伍彌泰先行調度督辦臣不揣冒昧已將愚見所及飛檄該將軍等令其即速籌辦不致坐失事機即將來臣抵甘後